

Puhala ke taute e tivi **Rapid Antigen Test**

Laulahi he tau tivi 'Rapid Antigen Test' kua muitua ke he tau fakamaamaaga nai, kae nakai kua katoatoa oti. **Fakamolemole muitua ke he tau fakamaamaaga nai mai he kautaha ne talaga e tivi.**

1 TAUTEUTE

- Mailoga ke holoholo mua e tau lima haau to kamata.
- Tauteute fakamitaki e taha faahi poko he fale ke taute e tivi haau - Mitaki ke fakaaoga e fuga laulau meā.
- Fakatoka fakamitaki e tau koloa tivi haau - To ha hā i ai 2 e pekete i loto he puha tivi.



2 HUHULU E PU IHU (SWAB)

- Hafagi mua e taha pekete ti aaki mai ki fafo e tau koloa i loto.
 - To kitia e koe e taha ka mena loa (nasal swab) ke huhulu ki loto he pu ihu, (na tuga e ka mena kape pu teliga).
 - Ha hā i ai foki e taha tama lupu tote (sealed vial) ne fai puke i loto - vial cap tote.
- Uta e ka mena loa swab ti huhulu ki loto he taha e pu ihu - fuafua ke he 2-3 e centimetres. Utaviko e ka mena ia i loto he pu ihu, laga 4-5 he katoa ti aaki mai ki fafo.
- Liu taute foki pihia ni he taha pu ihu foki.



3 FAKAMAU FAKAMITAKI E TIVI SAMPLE HAU

- Hafagi e tama lupu tote (vial) ti fakaeneene ke ua maligi mai ha puke vai ki fafo.
- Tuku e ka mena ne huhulu ke he pu ihu (swab) i loto he tama lupu vial ke hoko hifo ki lalo he mui lupu, ti kilu viko. Mahuiga lahi ke kilu fakalataha e swab haau mo e puke vai i loto he tama lupu tote.
- Ka aaki mai e ka mena ne huhulu aki e ihu ki fafo, ti kokoti fakatote e tama lupu tote vial he magaaho ia foki. Mahuiga lahi ke fofota fakalahi e puke vai mai ki fafo he ka mena swab mo e tuku ki loto he vial.
- Tuku mai e cap ti pogoti aki e vial. Kilu viko e puke vai ti lulululu fano.
- Tuku e vial ke he faahi ti fakatū fakahako ki luga, maeke a koe ke fakaaoga e taha kapiniu inu ke lagomatai ke fakatu fakahako hake e vial ki luga.




4 TIVI

- Hafagi e pekete ke uaaki ti aaki mai ki fafo e tulei tivi (testing tray).
- Tuku e vial, fuluhi ti fakatū halaulu, ti peehi fakaeneene laga 4 e puke he vai ki loto he pu veliveli he tulei tivi.
- Fakatali ke katoa e 15 e tau minute.



5 OLA HE TIVI / KO E HEIOGA E PUHALA KI MUA HE MAGAAHO NAI

- Kaeke kua fakatali a koe ti kua katoa e 15 e tau minute, magaaho nai ke onoono fakamitaki a koe ke he tulei tivi haau. Onoono fakamitaki ke he tama puha pakafā he tulei tivi ke kitia ko e fiha e laini kua fakakite mai.
 - Ka taha e laini kula ne kua kitia ki lalo hifo he matatohi C, ko e kakano kua nekativi mo e nakai kua moua a koe he gagao.
 - Ka ua e tau laini - taha e laini kula i lalo he matatohi C ti taha e laini lanu moana i lalo he matatohi T, ko e kakano he mena ia, kua fakamooli a koe kua moua he gagao. Kaeke kua nakai kitia maali e laini lanu moana kae maeke ke kitia fakatote e tama laini lanu moana, kua fakamooli a koe kua moua he gagao.
 - Ka taha e laini lanu moana i lalo hifo he matatohi C, ko e fakakiteaga a ia kua nakai hako e puhala kua taute ai e tivi haau.
- Ko koe ka fakailoa e tau ola hokotaki tivi haau ke he kupega hila Mycovidrecord.health.nz poke vilo atu e numela 0800-222-478 ti peehi e numela 3
- Kaeke kua fakamooli a koe kua moua he gagao, ko koe ke matutaki atu ke he haau a pule gahua mo lautolu ne kua fakafetui mata aulua mo koe:
 - Ka iloa mo e fakamooli kua moua a koe he gagao, kua mahuiga ke fano fakamafiti a koe ke nonofo puipui (isolation). Ke moua e tau fakalaulahiaga ke he tau mena mahuiga ke lata ia mo e nofo puipui (isolation) kumi atu e kupega hila he Faahi Malolō Tino Ministry of Health ke he fakamaamaaga *Advice for people with COVID-19*



Not detected

Detected

Failed result